

Grupo teatral Kibrahacha cu "E Recompensa"

ORANJESTAD (AAN) —

Grupo Teatral Kibrahacha bao direccion di Carmen Herrera ta trece dianan 8, 9, 10 di April un obra original skirbi y dirigi pa Carmen Herrera bao di e nomber di "E Recompensa. Aña pasa nan a trece aventuranan di Compa Nanci cual a cay masha na agrado di tur esnan cu a presencie.

"E Recompensa" mescos cu Compa Nanci ta un musical esta un comedia cu intercambio di canto, musica y efectonan di zonido. "E Recompensa" ta trata di un señora viuda cu ta biba cu su cria Francisca y cuater pushi cu e ta stima masha hopi mes.

Nan ta Daniela e pushi mama y su tres yiu nan esta Gato, Cat y Gatita. Ma Doeï ta sintie mama y wela di e pushinan pesey mes cu dia el a lanta sin por hayanan no tabatin nada cu por a console. Pesey el a dicidi di duna un recompensa di Mil Florin y despues hasta di cinco Mil Florin pa cada un pushi cu e por haya back.

Ta ken a bay cu nan y pakico? Den e comedia aki e recompensa mes no ta importante manera tur locual ta ser treci na sentimentonan humano p.e.



alegria, tristeza, rabia, locura, traicion, amor, amistad y e relacionnan di un señora y su cria; mama soltera cu tres yiu; amistad entre un pushi y un raton; maltrato di hende y bestia y mucho mas.

E canticanan tur ta nobo y cu diferente ritmo. Nan a worde canta pa coro Kibrahacha bao direccion di Carmen. E letranan ta di Carmen y e melodianan ta di su ruman Jossy y e mes. E canticanan a worde aregla y toca pa Hildward Croes y e grabacion a ser haci na Aruba Recording Studio di Sr. Anthony Lacle.

Algun di e canticanan a

ser canta pa integrante nan di e comedia. E integrantesnan di e koor ta Paola Kock, Indra Stamper, Omar Besaril, Juliaica y Joel Herrera, Belisa Angela y Jairo y Sharisa Herrera.

Integrentenan di e comedia ta Marion Lopez como Don un pushi cu no ta come raton. Mireya Simon como Sabina un raton Chines y e mihor amiga di Don, Vivian Albertsz como Daniela e mama pushi y su tres yiu nan esta Ludwig Fun como Gato; Bruce Stamper como Cat y Indra Stamper como Gatita. Gianella Gabriella como Francisca e cria di Ma Doeï hunga pa Carmen.

E schminck ta worde haci pa Ivan Sneek y Gisela Simon. Tambe tin un parti cu ta demostra greepan di judo instrui pa Junior Gabriel. E decor ta diseña pa Victor Kock y e trahenan pa Mercedes Pieterz. Un otro parti di decor a ser pinta pa sr. Harold Bronswinkel.

E recompensa ta obtenibel tambe ariba disco y cassette na porta di Cas di Cultura durante e presentacionnan. Esaki ta e di dos disco di storia pa mucha cu sigur sigur lo haci un impacto grandi ariba grandi y chikito.

Caarchinan ta na venta entrante 31 di Maart na Boekhandel De Wit y Van



Dorp Playa y San Nicolas, Joey's na Savaneta y Rowigini's na Sta. Cruz.

Carmen ta traha cu hende grandi y chiquito den su comedianan. Cada rold cu ta pidi pa un adulto hunga ta worde hunga pa un adulto. Su storianan semper ta trece cosnan di bida real. Pesey cu su storianan ta pa grandi y chikito y pa habri conversacion entre mayornan y nan yiu nan.

Den e comedia e mayornan por observa e emocionnan di nan yiu nan y escuchando e cassette e mayornan por discubri talentonan di nan yiu nan ya cu nan ta duna e mucha oportunidad di expresa su mes ariba diferente tereno.

nan manera canto, baile y actuacion y nan ta stimula e interes pa conta storia. Un vez na un edad jong bo ta mira e talento di bo yiu ta keda na bo como educador pa stimula bo yiu den e direccion cu e ta gusta.

Locual Carmen kier pone enfasis ariba dje ta cu un mucha mester siña expresa su mes libremente pa e por siña conoce su capacidnan y su limitacionnan. Como educador tin cu encurasha, stimula, guia y mas cu tur cos duna e

mucha valor pa e manera cu e ta expresa su mes. Lage sinti cu e tiki cu el a haci ta hopi bon y asina e mucha ta sintie aprecia y acepta y esaki ta e base pa e por sigui desaroya pa yega na expresa su mes cada vez mas mihor y esaki tambe ta yude cu su progreso na school. Un mucha cu ta ricibi apoyo moral aki semper lo busca moda pa surpasa su limitacionnan.

Kico mas mihor pa un hende conoce su mes capacidnan y limitacionnan na un edad joven pa asina biba mas conciente.

Esaki e aña aki ta e mensahe cu Carmen kier a duna pa un Aruba mihor.

Grupo teatral Kibrahacha ta spera un y tur dianan 8, 9 y 10 pa 5'or den Cas di Cultura.



Algun motibo pakico bo banco mester ta

BANCO DI CARIBE N.V.

1. BUKI DI SPAAR ta duna 5½% di interes pa aña, calcula tur dia.
2. DEPOSITO A TERMINO LARGO (Certificate of Deposit)

1 aña 8%	} Suma minimo di Afis. 5.000,00
2 aña 8½%	
3 aña 9%	
3. CUENTA CORRIENTE cu checkbook cu servicio rapido
4. PARKEERPLAATS gratis dilanti porta di banco.

BANCO DI CARIBE N.V.

Nassaustr.90 ARUBA

23105 • 32168 • 31942 • 32422

Danza Aruba cumpliendo cinco aña

ORANJESTAD (AAN)—

Dia 1 di April 1983 a worde funda un grupo di baile cu e tempo ey tabata ser yama The Goldust Dance Company. E fundadornan di e gruo aki ta e hoben pareha Franklin y Ceslin Kock.

Ceslin Kock como directora y Coreografa y Franklin Manager Productor y Coreografo hunto nan a reuni cu algun hoben y a cuminsa prepara e hobennan den baile y presentacionnan pa asina mantene presente nos cultura.

Poco poco Gold Dust a bira conoci y tambe popular na e hotelnan ariba e isla. Den e cinco añanan cu a pasa a bin hopi cambia den e grupo aki. Entre otro e nomber cu ta awor Danza Aruba a cambia pa cum-



pli cu nan deber nacional.

Danza Aruba a yega di presenta caba na tur e hotelnan na Aruba y cu hopi exito tambe. Tambe nan a yega di actua den Bon Bini Festival, Show Time, dia 18 di Maart, Sur-Mediton, C.T.C., Sitmar Cruises, na Centronan di bario etc.etc.

Actualmente Danza

Aruba tin seis show pa siman cual tur ta diferente y cu acogidanan hopi bon. E shownan ta bay tanto ariba musica graba como live e.o. acompaña pa tipiconan Caribe, Ola Tropical, Placentero y actualmente cu Los Amigos.

Metanan principal di Danza Aruba ta pa man-

Sigui lesa pag. 18